

龍川詞

目錄

水調歌頭 四首

賀新郎 四首

桂枝香 一詞

瑞雪濃慢 一詞

祝英臺近 二詞

卜算子 一詞

彩鳳飛 一詞

謁金門 一詞

洞仙歌 一詞

南鄉子 一詞

補目錄

水龍吟 一詞

虞美人 一詞

思佳客 一詞

念奴嬌 三詞

滿江紅 一詞

三部樂 二詞

阮郎歸 一詞

蝶戀花 一詞

垂絲釣 一詞

鷓鴣天 一詞

天仙子 一詞

踏莎行 一詞

點絳脣 一詞

洞仙歌 一詞

眼兒嬌 一詞

清平樂 一詞

滴滴金 一詞

龍川詞目錄終

龍川詞

宋 陳 亮

水調歌頭 送章德茂大卿使虜

不見南師久，謾說北羣空。當場隻手，畢竟還我萬夫雄。自笑堂堂漢使，得似洋洋河水，依舊只流東。且復穹廬拜，曾向臺街逢。堯之都舜之壤，禹之封。于中應有一箇半個恥。臣戎萬里，隄如許，千古英靈安在，磅礴幾時通。胡運何須問，赫日自當中。

又 癸卯九月十五日壽朱元晦

人物從來少，雛菊爲誰黃。去年今日倚樓，還是聽行藏。未覺霜風無賴，好在月華如水，心事楚天長。講論參洙泗，酒到虞唐。人未醉，歌宛轉，興悠揚。太平胸次，笑他磊磈欲成狂。且向武夷深處，坐對壺煙開歛，逸思入微茫。我欲爲君壽，何許得新腔。

又 和吳允成遊靈洞詩

人愛新來景，龍認舊時秋。不論三伏，小住便覺涼生秋。我自醉眠，其上任是水，流其下，湍激若爲收。世事如斯，去不去，爲誰留。本無心，隨所寓，觸虛舟。東山始末，且向靈洞與流浮。料得神仙窟穴，爭似提封萬里，大小幾琉球。但有君才具，何用問時流。

又 和趙尉錫

事業隨人品，今古幾麾旌。向來謀國萬事盡出，汝書生。安識鵬鵬變化，九萬里風在下，如許上南溟。片鷁匆匆，邊笑河漢一頭傾。嘆世間多少恨，幾時平。霸圖消歇，大家創見，又成驚避近漢家。龍種正，爾易紗白紵，馳驚覺身輕。樽酒從渠說，雙眼爲誰明。

念奴嬌 至金陵

江南春色，算來是多少。勝遊清賞，妖冶塵纖只

做得飛鳥向人偎倚地闊天開精神朗慧到底
還京樣人家小語一聲聲近清唱因念舊日
山城個人如画已作中州想鄧禹笑人無限也
冷落不堪惆悵秋水雙明高山一弄著我些悲
壯南徐好住片帆有分來往

又登樓景樓

危樓還望嘆此意今古幾人曾會更設神施渾
認作天限南疆北界一水橫陳連崗三面做出
爭雄勢六朝何事只成門戶私計因笑王謝
諸人登高懷遠也學英雄滄海憑却江山管不到
河洛腥膻無際正好長驅不須反顧尋取中流
誓小兒破賊勢成寧問疆對

又送嚴少章送

西風帶暑又還是長途利牽名役我已無心君
因甚更把青衫爲客邂逅飛幾時高舉不露
真消息大家行處到頭須管行得何處尋取

狂徒可能著意更問渠儂骨天上人間最好是
關裏一般學寂癡海無波玉堂有路穩著青霄
翼歸來何事眼光依舊生碧

賀新郎

同劉元實唐與正陪葉丞相飲

脩竹更溪處映簾櫳清陰障日坐來無暑水激
冷冷知何許跳碎危欄玉樹都不繫人間朝暮
東閣少年今老矣況樽中有酒嫌推去猶著我
名流語大家綠野陪容與等閑過了薰風
又還商素手弄柔條人健否猶憶當時雅趣思
未報恐成辜負舉目江河休感滄念有君如此
何愁廢歌未罷誰來舞

又寄辛幼安和見懷詩

老去憑誰說看幾番神奇臭腐夏裘冬葛父老
長安今餘幾後死無讐可雪猶未燥當時生髮
二十五弦多小恨算世間那有平分月胡婦弄
漢宮瑟樹猶如此堪重別只使君從來與我

話頭多合行矣置之無足問誰換妍皮癡骨但
莫使伯牙絃絕九轉丹砂牢拾取管精金只是
鐵龍共虎應聲裂

又時辛幼安再
用韵見寄

離亂從頭說愛吾民金縢不愛憂藤繫葛壯筆
盡消入脆好冠蓋陰山觀雲虧殺我一星星髮
涕出女吳成倒轉問魯爲齊弱何年月丘也幸
由之瑟 斬新換出旗麾別把當時一椿大義
拆開收拾提地一呼吾往矣萬里搖肢動骨這
話猶只成癡絕天地洪爐誰弱韞算于中安得
長堅鐵泥水破關東裂

又懷辛幼安
用韵前韵

話殺渾閑說不成教齊民也解爲伊爲葛樽酒
相逢成二老却憶去年風雪新著了幾重華髮
百世尋人猶接踵嘆只今兩地三人月寫舊恨
向誰瑟 男兒何用傷離別況古來幾番際會

風從雲合千里情親長晤對妙體本心次骨臥
百尺高樓斗絕天下適安耕且老看買翠賣劒
平家鐵壯士淚肺肝裂

滿江紅
懷韓子
詞尚書

曾洗乾坤問何事雄圖頓屈試著眼階除當下
又添英物北向爭衡幽憤在南來遺恨狂酋失
算淒涼部曲幾人存三之一 諸老盡郎君出
思未報家何恤念橫飛直上有時還揆笑我只
知存飽煖感君原不論階級休更上百尺舊家
樓塵侵映

桂枝香
觀木犀有感
寄呂卿中

天高氣肅正月色分明秋客新沐桂子初叔三
十六宮都足不辭散落人間去怕羣花自嫌凡
俗向他秋晚喚同春意幾曾幽獨 是天公餘
香賸馥怪一樹香風十里相續坐對花旁但見
色浮金粟芙蓉只解添愁思況東籬淒涼黃菊

入時太淡背時太遠愛尋高踞

三部樂

七月送丘宗卿使虜

小屈穹廬但二滿三平共勞均佚人中龍虎本
爲明時而出只合是端坐王朝看指揮整辦場
蕩飄忽也持漢節聊過舊家官室 西風又還
帶暑把征衫著上有時披拂休將看花淚眼聞
絃骨對遺民有如皎日行萬里依然故物入奏
幾策天下裏終定于一

又

七月廿六日
帝王道廟

入脚西風漸去去來來早三之一春花無數畢
竟何如秋實不須待名品如麻試爲君屈指是
誰眉出十朝半月爭看搏空霜鶻 從來別真
共假任盤根錯節更饒倉卒還他濟時好手封
侯奇骨沒些兒繫婦勃率也不是嗔啼笑兀百
二十歲管做徹元分人物

瑞雪凝慢

六月十一日
壽羅春伯

蔗漿酪粉玉壺冰爾朝罷更聞宣賜去天咫尺

下拜再三幸今有母可遺年年此日共道月入
懷中最貴向暑天正風雲會遇有恁嘉瑞 鶴
冲霄魚得水一起便直入神仙地植根江表開
拓兩河做得黑頭公未騎鯨赤手問何如長鞭
尺箠向來王謝風流只今管是

阮郎歸

重午寄外舅

波光渺渺浸晴陂有亭湖岸西菱荷香拂柳絲
垂升堂獻壽卮 紅約腕綠侵衣願祝屆期頤

花間妙語欲無詩一年歌一詞

祝英臺近

六月十一日送葉正則如江陵

駕扁舟衝劇暑千里江上去夜宿農興一舊
時路百年忘了句頭故人饒破故紙裏是爭雄
處 怎生訴欲待細與分疏其如有憑據包聚
生魚活底怎遭遇相逢樽酒何時征衫容易君
去也自家須住

又九月一日
寄金德載

嫩寒天金氣雨攪斷一秋事全樣霏微還作小
晴意世間萬寶都成些兒無欠只待與黃花爲
地好招致對此鬱鬱蔥蔥新菊未成醉香手
爲雲造物等兒戲也知富貴來時一班呈露便
做出人中祥瑞

蝶戀花
甲辰壽
元壽

手撚黃花還自笑笑比淵明莫也歸來早隨世
功名渾草草五湖却共繁華老 冷淡家生冤
得道旖旎妖嬈春夢如今覺管今歲華須到了
此花之後花應少

卜算子
九月十八日
壽徐子才

悄靜菊花天洗盡梧桐雨倍九迴窺爛熳開祝
壽當頭取 頂戴御袍黃學秀金稜吐仙種花
容晚節香人願爭先覩

垂絲釣
九月七日
自壽

菊花細雨蕭蕭紅夢汀渚景物漸幽風致如詩
秋未暮又值吾初度 看天宇正澄清欲往登
高未也紅塵當面飛舞幾人吊古易帽牢收取
短髮還羞覩返壽身近五雲深處

彩鳳飛
一作彩鳳舞。七月
十六日壽錢伯同

入立玉天如水特地如何撰海南沈燒著欲寒
猶煖算從頭有多少厚德陰功人家上一一舊
時香案照經慣 小駐吾州纔爾依然歡聲滿
莫也教公子王孫眼見這些兒穎脫處高出書
卷經綸自入手不了判斷

鷓鴣天
懷王
道甫

落魄行歌記昔遊頭顱如許尙何求心肝吐盡
無餘事口腹安然豈遠謀 纔怕暑又傷秋天
涯夢斷有書不大都眼孔新來淺義爾微官作
計周

謁金門
送衛子宜
如新安

新雨足洗盡山城裊裊見說好峯三十六峯峯
如立玉四海英遊追逐事業相時伸縮入境
德星須做福只愁金詔趣

天仙子

七月十五日
寄內

一夜秋光先著柳暑力平明差失守西風不放
入簾幃曉水晝沈煙透半月十朝秋定否指
點芙蓉疑竹久高處成蓮溪處藕百年長共月
團圓女進酒男稱壽一點浮雲人似舊

洞仙歌

丁未壽
朱元晦

秋容一洗不受凡塵泥許大乾坤這同大向上
頭些子是鷗鷺搏空籬底下只有黃花幾朵
騎鯨汗漫那得人同坐赤手丹心撲不破問唐
虞禹湯武多少功名猶自是一點浮雲鏤過且
燒却一瓣海南沈任拈取千年陸沈奇貨

踏莎行

懷樂人
十推官

書冊如仇舊遊潭潭有懷不斷人應異千山上

去夢魂輕片帆似下蠻溪水已共酒盃長堅
海誓見君忽忘花前醉從來解事苦無多不知
解到毫芒未

南鄉子

謝永嘉
友相儀

人物滿東甌別我江心識俊遊北盡平蕪南似
畫中流誰繫龍驤萬斛舟去去幾時休猶是
潮來更上頭醉墨淋漓人感舊離愁一夜西風
似夏不

點絳脣

詠梅
月

一夜相思水邊清淺橫枝瘦小窗如畫情共香
俱透清入夢魂千里人長久君知否雨停雲
態格調還依舊

同前一名同永康人此家策進士群臣奏
其卷第三柳桴桴第一既知為同甫大喜
又有天留遺服之詔其恩過如此據葉水
心序其集云四十卷今行本止三十卷想

尚多俠道其實者莫如上皇帝四書及
酌古論自贊云人中之龍文中之虎真無
忝矣第本集載詞選三十闕無甚益亦如
寄辛幼安賀新郎三首錯見前後予家藏
龍川詞一卷又每詞類今未知孰是讀至
卷終不作一妖語媚語殆所稱不受人憐
者歟湖南毛晉藏

龍川詞終

龍川詞補

水龍吟

春恨

鬧花深處層樓畫簾半捲東風軟春歸翠陌平
莎茸嫩垂楊金淺遲日催花淡雲閣雨輕寒輕
嬾恨芳菲世界游人未賞都付與鶯和燕寂
寞憑高念遠向南樓一聲啼雁金釵鬪草青絲
勒馬風流雲散羅綬分香翠綃封淚幾多幽怨
正銷魂又是疎煙淡月子規聲斷

洞仙歌

雨

瑣窗秋算夢高唐人困獨立西風萬千恨又檐
花落處滴碎空堦芙蓉院無限秋容老盡枯
荷摧欲折多少離聲鎖斷天涯訴幽悶似蓬山
去後方士來時揮粉淚點點梨花香潤斷送得
人間夜霖鈴更葉落梧桐孤燈成暈

虞美人

春愁

東風蕩颺輕雲樓時送蕭蕭雨水邊臺榭燕新

歸一口香泥溼帶落花飛 海棠慘徑鋪香繡

依舊成春瘦黃昏庭院柳啼鴉記得那人月

折梨花

眼兒媚

春愁

試燈天氣又春來雖說是情懷寂寞聊似揚州
何遜不爲江梅 扶頭酒醒爐香地心緒未全
灰愁人最是黃昏前後煙雨樓臺

思佳客

春感

花拂蘭干柳拂空花枝綽約柳鬟鬆蝶翻淡碧
低邊影鶯囀濃香杪處風 深院落小簾櫳尋
芳猶憶舊相逢橋邊攜手歸來路踏蹴殘花幾
片紅

清平樂

春愁

銀屏繡閣不道銀綃薄嘶晴窗窗塵漠漠遲過
夕陽村落 亂山千疊無情今宵還斷愁人兩

處香消夢覺一般曉月秋聲

滴滴金

斷橋雪霽聞啼鳥對林花弄晴曉
畫角吹香客愁醒見梢頭紅小
圓酥剪蠟知多少向風前
壓春倒江嶂人煙畫闌中有短篷香繞

余曰吾同甫不作妖語媚語偶闕中興詞
選得水龍吟以後七闕亦未能超然但無
一調合本集者或云厲作蓋花菴與同甫
俱南渡後人何至誤謬若此或花菴尋選
綺艷一種而同甫子況所編本集特表阿
翁磊落骨幹故若出二手況本集云詞選
則知同甫之詞不止於三十闕即補此花
菴所選亦安得云全豹耶姑梓之以俟博
雅君子湖南毛晉又識

龍川詞補終